

differunt, et quæ a loco, terrâ, sole, ventis, &c. caussari possunt. Sed sunt et aliæ caussæ occultæ; sunt aliæ varietates constantes non mutabiles, nec restituendæ mutato loco et cœlo. Confer sequentes:

Urtica pilulifera romana — et altera Parietariæ foliis.

Cyanus orientalis luteus — et Cyanus orient. purpureus, albus.

Differunt calyce, radio, semine. Conveniunt toto habitu.

Poterium Pimp. Sanguisorba — et Pimpinella agrimonioides.

Catananche cœrulea — et lutea.

Crista-Galli mas — et fœmina.

Acanthus spinosus — et mollis.

Saponaria vulgaris — Saponaria anglica.

Hemerocallis lutea — et fulva.

Verbascum.

Dipsacus vulgaris — Dipsacus perfoliatus.

Insuper Solana Africana, Solana Europæ annua; Quercus Virginicæ; Asteres et aliæ innumeræ; quas dabo in dissertatione de plantis hybridis, ubi hoc non uti evictum proponam, sed ad alios excitandum proponam.

Hiscæ diebus* prodiit apud Salvium alter tomus Amœnitatum mearum Academicarum, in quâ habentur dissertationes sequentes:

Œconomia naturæ,	Tænia,	Sapor medicamentorum,
Lignum colubrinum,	Senega,	Plantæ Camschatcenses,
Semina muscorum,	Splachnum,	Officinalia animalia,
Generatio calculi,	Gemmæ arborum,	Pan Suecicus.

In Actis Upsaliensibus † habentur Usus Electrisationis in Rheumatismo. — Hasselquist. Descr: Mimosæ Africanæ. — Linnæi Scabiosa corollulis quadrifidis, foliis pinnatifidis, lobis lateralibus erectiusculis, Penthorum. — Hasselquist Camelopardalis descriptio. Mus ægyptius bipes. Turdus solitarius. Fulica. Vipera vera officinarum. Coluber cornutus. Anguis cerastes. Lacerta scincus. Octopodia sepia species. — Linnæi Cyprinus pinnæ ani radiis XII. — Gronovii pisces duo: Scomber et Labrax. — Lœffing monoculus caudâ foliaceâ planâ. — Colden, continuatio pl. Noveboracensium descriptionis: dein Astronomica, Meteorologica, Antiquaria, vita O. Celsii.

Ego nunc a die in vesperam ultimam manum addo Museo Regiæ exscribendo, sed præcipue species plantarum conscribendo et enumerando quotquot novi omnes cum

* Hinc constat anni quo hæc epistola data est numerus qui deficiebat, scilicet 1751.

† Acta Soc. Reg. Scient. Upsaliensis ab Anno MDCCXLIV. ad MDCCL. Stockholmæ. 1751.